

左恪靖侯奏稿初編

恪靖初編奏稿卷二十九目錄

奏報收復嘉應州城餘孽蕩平摺

請給劉幫辦三代一品封典片

陳明鞠訊偽總統胡瞻子凌遲處決片

奏報粵東軍務速蒞班師回閩摺

請將歸誠之黃朋厚免罪給守備銜片

軍務完竣提臣應令各赴新任摺

陳明劉幫辦劉鎮康道回籍省親省墓片

陳明入粵助剿各軍分起回江西日期片

附陳派員查辦汀漳興泉永一帶土匪片
憑陳仍檄高提督帶所部赴任片

恩免祭議謝

恩摺

奏報收復嘉應州城餘孽蕩平摺

奏爲官軍圍逼嘉應逆匪宵遁各軍分路截剿均獲大捷賊首殲斃淨盡州城收復餘孽蕩平恭摺馳報仰祈聖鑒事竊自十二日之戰汪逆伏誅後僞偕王譚體元代統其眾與胡瞎子等負嵎死拒尙敢抗我官軍圖撲東路營壘經幫辦福建軍務二品戴劉典廣東陸路提督高連陞署理浙江提督黃少春福建布政使王德榜會商連營進紮臣宗棠復飭道員朱明亮桂營進駐井塘顧各軍後路每日出隊協護築壘於十九二十兩日

高連陞黃少春王德榜各軍環逼州東北東面之黃竹
洋佛子高曹塘一帶而營劉典督所部福建福甯鎮總
兵劉明燈總兵簡桂林道員李耀南等於十八日冒雨
進紮西洋市十九日留閩補用副將署龍巖遊擊賴長
水陸三營進紮龍津橋並飭各軍於西洋搭造浮橋夾
河並進該逆見我軍彼此列隊聲威極壯不敢復犯適
浙江提督鮑超全軍於十七日抵州西北三十里之相
公亭十九二十兩日率隊至平成舖山下築壘廣東
布政使李福泰亦至州西藍口令總兵方耀鄰司鄧安

邦所部至古塘坪列隊與鮑超爲犄角之勢十九日該
逆出七樹迎直撲與軍方耀鄧安邦扼金雞石坳口列
陣以待賊分三路猛撲數次方耀等分投迎擊自午至
酉鏖戰四時將賊擊敗斃賊百餘名生擒一名我軍陣
亡三名二十日鮑超出隊相視營地譚逆復率悍黨分
股來撲鮑超令提督康仁廉等由中路進已革提督譚
勝達等由左路進總兵曾成武等由右路進以提督李
文益總兵銜副將龔占鰲記名總兵貴州清江協左營
都司羅運昌等分路策應總兵段福記名提督直隸正

定鎮總兵婁雲慶分率各營左右抄擊唐仁廉等擊退中路之賊左右路賊黨尙蜂擁而來譚勝達等奮力猛擊斃賊甚眾左路賊亦潰曾成武鏖戰一時與已保守備顧惟奇皆受子傷裹創血戰力將右路賊擊敗乘勢追殺婁雲慶率副將徐連陞等橫截之賊益驚亂鮑超督各軍掩殺直追至城下而返斃賊四千餘名生擒老賊二百餘名我軍陣亡弁勇四十名此十九日二十日兩軍擊賊獲勝之實在情形也汪逆伏誅賊中膽落又不得逞於西北臣宗棠料其必圖速竄咨行各軍統帥

近合鎖圍以便剿撫兼施免其漏逸而州南一面須專
軍進紮而東圍軍進紮而西方無罅隙粵軍總兵曾敏
行副將郭紹忠十八日進羅衣堡擬俟二十二日進州
西南十五里之長沙墟延紮州南之小壘而劉典所部
總兵張福齊二十一日已進紮黃坑芹菜洋之間距州
南稍東已不過數里江軍記名布政使貴州按察使席
寶田總兵劉勝祥兩軍十九日馳紮太坪後臣宗棠飭
其延紮州西面一帶以便藍口粵軍方耀鄧安邦延紮
州西南之大乍堡三門坳策應曾敏行郭紹忠兩軍俾

可速由長沙墟進逼州南與閩軍聯成一氣臣宗棠於二十一日率親兵及總兵楊和貴新右營前進二十三日已刻在東州三十里之井塘途次接據各軍稟報賊於二十二夜二更後潛啓西南門由小密出黃砂嶂而遁胡瞎子當先譴逆及各賊首斷後幸劉明燈先遣降賊入城偵探至是到營飛報劉明燈與簡桂林賴長立率所部疾趨黃砂嶂一路追截黃砂嶂者州南狹隘羣峯峭削一徑縈紆爲嘉應出新田大田右至豐順左至潮州之間道賊以數萬之衆冒死出險急不得前劉明

燈備桂林賴長馳抵泮坑斬殺尾賊數百名生擒三十
餘名追過小密遇鄭紹忠安勇營盤彼此不相識別混
戰一時天明始各向黃砂嶂併力追擊復斃賊二千餘
名生擒五百餘名先是賊目劉廷貴沈文有等已輸款
於黃少春城賊出走時沈文有飛報各軍高連陞黃少
春與記名提督署浙江衢州鎮總兵劉清亮四鼓率隊
入東門搜剿餘賊副將馬駿發追至南門外水南壩河
邊排鎗擊之轟溺甚夥僞佐將劉廷貴率三壘之賊投
降黃少春軍前其另股千餘人赴劉典軍前乞降高連

陞王德榜布政使銜福建延建邵道康國器各軍逕向黃砂嶂追剿鮑超督所部入州城旋即派隊繼進劉典率所部追及小密長沙墟黃少春亦至各路官軍齊進山路逼仄不能容眾因回營安插降眾資遣難民張福齊李耀南追至令溪斃賊不可勝計方耀鄧安邦由七樹逕三門坳大乍堡過河追擊亦至黃砂嶂而返此二十三日黃砂嶂以北各軍追剿受降之實在情形也其過黃砂嶂者劉明燈簡桂林賴長緣厓衝殺該逆初猶死鬪經我軍奮力壓剿逆眾喪膽狂奔我軍乘勢痛剿

如摧枯拉朽殺不勝殺斬賊目二十餘名賊三千餘名
生擒千餘名墮崖落澗死者人以數千計馬以數百計
解散難民數千名奪獲賊馬五百餘匹偽印數百餘顆
鎗械無數我軍陣亡勇丁數名正追殺間高連陞劉清
亮又至合兵縱擊追至土地園賊衆狼奔豕突高連陞
劉清亮率總兵丁賢發道員魏光炳副將曹光德張志
公黃北海遊擊孫永忠陳得勝等奮威剿殺鎗聲矛刺
斃賊極多直至分水坳劉明燈等因將士夜半出隊窮
追竟日饑疲特甚且鮑超王德榜康國器各軍又已踵

至前路愈形擁擠乃收隊回營高連陞等追殺至新田
少憩覓食餉道前隊又至三更後高連陞等整隊急追
黎明及賊於大田該逆大股麇聚猶抵死奪路而奔我
軍奮勇掩殺又追二十餘里賊屍枕藉被脅賊黨伏地
乞降者約萬餘人高連陞受之搜斬叛勇頭目歐陽輝
及逆首賴裕新卽賴剝皮之母梟首軍前悍賊猶越嶺
狂竄我軍四路搜殺計又斃賊二千餘名奪賊馬千餘
匹鎗礮五百餘件高連陞劉清亮暫駐大田督隊搜捕
餘賊至長良見高山密林中一黃衣賊擁賊千餘蟄聚

伏匿亟飛登山頂逆眾駭奔丁賢發直前奮擊手擒黃
衣賊乃僞總統胡曙子卽胡永祥也餘賊悉降又搜二
十里遇粵軍於嶺春詢之附近並無賊踪始收隊回其
王德榜一軍由黃砂嶂左路追殺二十三夜及賊於北
溪諸處四圍皆山賊眾遍野我軍扼其去路登高呼曰
降者棄械上山僞右先鋒眉天義曹玉科僞前先鋒鈞
天義楊世如僞會天福何玉清僞天將彭大貴僞神將
馬有玉及僞天義天福彭大元劉福勝等率眾跪馬前
泣求免死王德榜受之約四萬人鮑超所部二十三日

由黃砂嶂左路追至北溪白沙壩何明亮黃矮子等仍
思抗拒唐仁廉率各營縱擊總兵銜副將孫開華等由
右路擊賊之腰譚勝達等由左路越嶺將賊截斷逆眾
大潰各軍連夜蹣追唐仁廉率洋鎗八營由兩崖小徑
乘夜疾繞賊前二十四日黎明該逆復噤黨拼死奪路
狂衝數次鮑超親率駐城十營由小路追及飛令唐仁
廉扼塞前途山銜副將楊德珍率兩營抄捷徑而前爲
唐仁廉後應譚勝達孫開華等由左右山岡壓下段福
率五營往來策應葛雲慶由中路進擊泰將鮑昌壽應

之飽超麾兵奮威齊進逆眾向前鼠竄唐仁廉排洋鎗
環擊孫開華等由右路疾馳而下逆眾撲跌落厓者甚
夥裴雲慶在中路奮剿譚勝達自左側抄出乘勝喊殺
唐仁廉等不避險阻愈戰愈奮將賊截作數段屍橫遍
地積械如山兩日其斃賊八千餘名墜厓死者難以數
計逆眾見四面皆已被圍始羅拜求生當將二萬餘眾
一律兜擒查出偽忠誠天將何明亮偽大佐將何明輝
戴禮煌偽佐將蕭秋林偽朝將黃壽發偽先鋒鍾有誠
黃正元劉明盛偽嶧天義吳慶賢偽奮天安廖大順偽

祈天安楊文魁僞袁天義袁戴春僞意天豫鍾意興僞
段天福巫得盛僞陳天安陳世路僞衛國侯龍太賓及
張孟元黃茂林黃得勝吳水源張元柏及叛勇頭目黃
矮子等陸續誅磔其僞侯丁德泰等大小頭目七百三
十四名亦經訊明軍前正法惟康國器一軍從右路攔
擊尙未接其稟報計擒斬亦自不少此二十三兩日
黃砂嶂以南各軍窮追痛掃分別剿撫之實在情形也
臣於宗棠廿三日開報後以各軍所收降賊僉稱譚逆
因官軍圍逼泣商各賊首欲西竄興甯和平以趨廣西

胡逆不允堅欲由豐順潮州一帶竄越閩浙邊界以歸
皖南等語賊蹤既趨豐順縣境距潮碇不遠當卽飛飭
潮州文武固守城池一面飛調三河壩蓬萊灘礮船五
十號迅赴陷隍以扼要津並將追賊各軍已收隊者抽
撥前往潮碇水陸依護防守臣案於二十五日折回
碇口卽向陷隍進發仍飭席寶田劉勝祥扼興甯以固
江西藩籬粵軍方耀等四軍其扼長樂永安之衝以固
惠州門戶檄高連陞劉清亮所部在嘉應者分紮州城
及長沙墟一帶令鮑超及閩軍之未收隊者跟蹤追剿

無論該逆向惠向潮均以盡賊爲度旋據各軍報稱二十三四兩日追至溪白沙灘距豐順縣尙四十里全股業已盪平臣宗棠自可無須馳赴潮郡卽在松口暫駐將降眾分別辦理擬將其著名桀黠罪惡貫盈者仍從嚴懲處其情罪可原者應卽免其駢戮給護票散遣回籍以廣

皇仁仍挑其精壯分隸各軍暫給口糧以俟分起遣散伏查嘉應城踞逆不過十萬餘眾綜計各軍擒斬盡斃之賊實一萬六七千名生擒數千名墜崖死者不計其

數解散難民萬餘先後收降五萬餘人奪獲賊馬一千
六百餘匹偽印旗幟鎗礮器械拋棄滿途拾不勝拾而
此股各首逆譚體元被首先追及之閩軍於黃砂嶂北
鎗傷墮馬落崖死者胡瞻予爲高連陞所部生擒何明
亮黃矮子爲鮑超所部擒斬汪麻子亦中鎗殞命殲除
殆盡無一漏網卽多年稽誅之積賊與近時投附之叛
勇本地從賊之士匪亦皆撲滅無遺此固非臣等始願
所及也仰蒙

皇上聖謨廣運將士用命一旬三捷將十餘年髮逆種

類一鼓盪平從此海濱山陬兇悖之民當益震懼

天威不敢狡焉思逞而東南各省亦可脫甲解嚴與民
休息矣此次尤爲出力之記名提督唐仁廉已請開復
遇缺題奏提督譚勝達記名提督直隸正定鎮總兵裴
雲慶擬保記名提督總兵曾成武可否懇

恩從優獎勵擬保提督銜記名總兵副將孫開華可否
交軍機處記名遇有提督總兵缺出請

旨簡放擬保記名提督總兵鄧訓誥請以提督遇缺題
奏記名提督彪勇巴圖魯蕭得龍記名提督署浙江衢

州鎮總兵靖勇巴圖魯劉清亮記名提督智勇巴圖魯
李運龍提督銜記名總兵勝勇巴圖魯黎榮鈞並請
賞換清字勇號提督銜福建福甯鎮總兵劉明燈請
賞給清字勇號擬保遇缺題奏並請換清字勇號之記
名閩浙總兵簡桂林閩浙總兵張順齊及記名總兵楊
和貴擬保記名總兵劉端冕擬保總兵蕭連貴閩浙總
兵丁賢發均請

賞加提督銜丁賢發並請

賞給清字勇號記名總兵齊蘭禮請

賞給該員三代二品封典擬保總兵馬駿發請

賞給勇號暫行革職記名總兵方耀請開復革職處分
擬保總兵銜留川副將龔占鰲副將張志公曹光德可
否均以總兵記名請

旨簡放龔占鰲並請

賞加提督銜總兵銜副將張再勝兩江補用副將賴光
斗喻名揚副將銜叅將涂祖昌均請以總兵補用並請
賞給勇號留閩副將著勇巴圖

賞換清字勇號並加總兵銜副將徐連陞擬保副將江

自康易進春均請免補副將以總兵補用並均請

賞給勇號總兵銜閩浙副將宋定元總兵銜副將陳集
賢均請

賞給勇號留閩副將甘大有毛惠德閩浙補用副將蕭
賞林署廣東羅定協副將鄭紹忠均請

賞加總兵銜副將黃北海譚勝清黃喜光均請

賞給勇號擬保留閩副將謝復雲副將陸金城擬保閩
浙遇缺卽補副將鄒玉林戴清輝杜登雲吳茂軒均請
賞給勇號副將銜留浙叅將唐得勝副將銜叅將柳玉

清泰將葉善明朱長林陳道亨戴榮陞均請

賞給勇號副將銜恭將鄧榮佳請免補恭將以副將儘
先補用並

賞加總兵銜副將銜留閩恭將曾華國請以副將仍留
閩儘先推用留浙恭將陳德林恭將王正明恭將銜遊
擊徐萬福均請以副將留浙儘先補用副將銜留浙恭
將張介和擬保副將銜留浙恭將鄒正魁留浙恭將伍
先申均請以副將仍留浙補用恭將黎東溪請以副將
留閩補用四川補用恭將姜南全請以副將改留廣東

儘先補用副將銜叅將蕭佑飛副將銜儘先叅將余蘭
桂儘先叅將蕭長興叅將林傳榜均請以副將留閩補
用擬保閩浙遇缺卽補叅將張金榜陳厚順黃復勝擬
保閩浙卽補叅將余宏亮均請以副將仍留閩浙補用
遊擊張復順請以叅將留閩補用並

賞加副將銜擬保留閩遊擊劉甫田請以叅將仍留閩
補用並

賞加副將銜叅將銜遊擊張逢春叅將銜儘先遊擊張
榮華遊擊廖得揚劉道得請以副將補用遊擊孫永忠

陳得勝均請以叅將留閩補用遊擊銜儘先都司彭惟
貴盛照魁遊擊銜都司萬起順賁仁山擬保都司秦添
福均請以叅將補用留閩都司彭錫芝請以遊擊留閩
儘先補用並請

賞換花翎都司趙煥礪請以遊擊儘先補用並

賞加叅將銜藍翎都司喻經魁請以遊擊補用並

賞換花翎擬保都司江同恩陳殿立葉義秀均請以遊
擊卽補守備吳起順胡昌海范長春文希財均請以遊
擊卽補廣東儘先都司鄧安邦請

當加遊擊銜都司銜儘先守備朱芳遂請以遊擊留闕
儘先補用守備桂順傳請以都司留闕儘先推補守備
銜丁太洋請以都司留闕儘先補用並請

寬戴花翎留闕千總宛乾元請以都司仍留闕儘先補
用藍翎千總聶章壽程宏彪賀宋來邵添壽請以都司
卽補並

賞換花翎把總黃承佐請以十總卽補軍功王藍臣劉
忠發祝鑑廷均請以千總儘先拔補加守備銜並
賞戴藍翎軍功陳順利請以千總留闕儘先補用並

賞戴藍翎擬保二品頂戴按察使銜浙江補用道李耀南請

賞加勇號按察使銜福建補用道朱明亮請

賞給二品頂戴記名開缺道員魏光邴請

賞加鹽運使銜同知銜候選知縣丁華先請免補知縣以同知直隸州留閩遇缺儘先補用留浙補用從九品譚成章請以府經歷縣丞仍留浙江遇缺先補用並

賞加鹽提舉銜其幫辦福建軍務二品頂戴前布政使銜浙江按察使阿爾剛阿巴圖魯劉典浙江提督蘇博

通額巴圖魯

賞戴双眼花翎

賞穿黃馬褂一等子爵鮑超廣東陸路提督

賞穿黃馬褂穆特本巴圖魯高連陞

簡署浙江提督達春巴圖魯黃少春福建布政使達冲
阿巴圖魯王德榜統兵圍剿普殄餘氛謀勇兼資勤勞
懋著惟職分較崇臣等未敢妄擬甄叙應如何
獎勵之處出自

天恩其餘在事出力各員弁並請由臣宗棠查明擇尤

策案保獎擬保留副將宋成祥十二日在塔子畧奮
勇殺賊身受重傷旋於十六日因傷殞命應請

旨飭部照副將陣亡例從優議卹並鮑超所部二十日
陣亡之藍翎守備鍾福春守備銜千總章邦俊藍翎千
總余勝才藍翎把總蕭大春方惠林藍翎外委王興志
藍翎軍功王錫坤軍功王金玉查成發顧洪平汪心田
朱福才何福興謝光輝汪炳林李旁桂李正洪傅松亭
梁大發梁英階張有登葉得勝劉亮順黃謙益桂明東
李振義何上交蕭連陞李國才周泰和朱進達呂士之

溫國將潘文盛著樂富將崇祺陳德貴劉炳榮戴雙福
杜善功及垣賊陳仁之擬保守備額惟奇藍翎千總李
賢連均請從優議卹其惟奇一員請照擬保官階優
卹所有收復嘉應州城追剿竄賊全股撲滅緣由謹合
詞會同江西巡撫臣劉坤一福建巡撫臣徐宗幹恭摺
馳報伏乞

皇上聖鑒訓示施行謹

奏

軍機大臣奉

旨另有旨欽此

請給劉幫辦三代一品封典片

再查幫辦福建軍務二品頂戴劉典前在浙江按察使任內於同治二年九月十八日皖南軍次聞計丁親父憂時皖浙軍務孔亟臣以劉典帶兵獨當一路

奏請改爲署任浙江按察使俟軍務稍定准其回籍治喪事畢赴浙仍領原部劉典於是年十月二十一日由浙江嚴州營次請假奔喪回籍十二月十二日抵湖南寧鄉縣原籍二年二月初一日莖親事畢迭經臣檄催

募勇剿賊於四月初旬由籍起程帶勇入江西助剿
奉

恩命幫辦江皖軍務轉戰數月江省全境肅清復奉

旨開缺仍以二品頂戴幫辦福建軍務四年五月閩疆

肅清劉與呈請終制臣勉以勇於戰陣爲孝總期逆氛

盡掃乃釋仔肩半載以來屢援江粵嘉應被陷又自南

雄葉程回剿自同治二年九月十八日閩訃起不計閩

邦至同治四年十二月十八日已屆二十七箇月服闋

劉與於同治二年十二月十二日回籍見喪至同治三

年四月募勇赴江之日在籍居喪已逾百日自無庸補
行守制惟劉典至性過人昨來營面晤服闋後仍穿用
素服並堅請回籍守制臣以典禮攸關過猶不及現已
服闋應卽據咨代爲恭報伏查劉典自幫辦福建軍務
盡瘁馳驅忠勤卓著每戰必先與將領履勘地勢指畫
攻守機宜以故所向克捷雖屢瀕危險弗顧也此次全
股髮逆所以迅卽撲滅者由於十二日大捷汪逆陣斃
賊眾瓦解之故是戰賊傾巢冒死衝突克悍實異常
各軍縱橫血戰竟日克獲奇捷實由劉典先數日將數

十里大小路延預與各統領營官履勘指畫瞭如指掌
故臨時衝堵抄截各盡其能雖汪逆胡逆百戰克恃之
餘終無能逃其規畫也其由湘奉

命赴江西之援保全贛西各砦嗣赴閩援力過汀連竄
衝會規漳郡旋因汪逆由鎮平竄至連平臣飛檄速赴
江西南安廣東南雄截賊入江竄湘之路比賊乘後路
空虛復由連平竄陷嘉應意在由閩入江臣時駐漳州
率親兵八百出屯琯溪飛檄各軍馳回防剿而劉典聞
警約黃少春星夜奔馳先到會昌偵賊猶踞嘉應卽由

上杭出大埔迅與臣會合攻剿相距較遠馳援最先卒
能掃除巨寇俾無遺種是劉典之功不可沒也劉典每
與臣言及親喪未克終制私懷耿耿聲與淚俱臣察其
至誠亦爲悽愴查該員以二品頂戴幫辦福建軍務
得三代二品封典茲當大局勘定可否

賞給劉典三代一品封典俾慰孝思之處出自

皇上恩施伏乞

聖鑒施行謹

奏

軍機大臣奉

旨另有旨欽此

陳明鞠訊偽總統胡瞎子凌遲處決片

再臣宗棠正在繕摺拜發間高連陞將偽總統胡瞎子

即胡永祥解送來營鞠訊供稱年三十三歲安徽東流縣人咸豐三年九月在安慶被偽丞相賴裕新擄至廬州歷隨賴裕新楊秀清陳玉成石達開彭大順童容海陳炳文汪海洋竄擾三江兩湖閩廣各省地方攻陷瑞州吉安邵武東安和平各府縣兩陷杭州汀州瑞金等

城同治二年隨汪海洋踞餘杭結爲死黨本年夏間在
閩粵交界輾轉竄突被官軍擊敗奔竄鎮平官軍攻急
復由大柘東石斜趨羅浮司至龍南旋由和平攻連平
回紮上坪一月未打仗折回原路竄陷嘉應州城因官
軍緊逼汪逆又死想衝粵軍營盤走黃砂嶂赴潮州再
尋生路二十二夜首先開路走至北溪正擬紮營官軍
追及因逃至長崑山輿旋被擒獲等語竊惟該逆與汪
海洋在賊中最爲兇狡據供逆情不諱罪大惡極死有
餘辜當卽凌遲處決以彰

天討而快人心謹附陳伏乞

聖鑒謹

奏

軍機大臣奉

旨知道了欽此

同治五年正月二十三日內閣奉

上諭劉坤一奏江西各軍剿賊大勝嘉應餘匪棄城宵遁本日復據左宗棠瑞麟郭嵩焘奏截剿竄匪連獲大捷餘孽蕩平各一摺嘉應踞城髮逆自汪逆伏誅後僞

偕王譚體元代統其眾與賊目胡瞎子等負隅死拒圖
撲東路營壘經劉典高連陞等聯營進紮賊不敢犯上
年十二月十九日方耀等軍敗賊於州西之七樹迤二
十日賊犯鮑超營經鮑超督率唐仁廉等軍分別截
殺斃匪四千餘名生擒老賊二百餘名逆賊膽落於二
十二日夜潛啓西南門由小窰出黃砂嶺而遁經劉明
燈簡柱林賴長等立率所部疾追斃賊二千餘名生擒
五百餘名高連陞黃少春劉清亮等聞賊宵遁卽率隊
入城搜剿餘賊僞佐將劉廷貴等遂分各營乞降繼時

高連陞王德榜康國器鮑超各軍均向黃砂嶂繼進賊
之過黃砂嶂者劉明燈等緣崖衝擊乘勝剿勢等拉
朽摧枯斬擒不可數計高連陞鮑超等軍復及賊於大
田奮勇掩殺賊屍枕藉降其脅從萬餘人搜斬叛勇頭
目歐陽輝及逆首賴裕新即賴剥皮之母梟首軍前悍
賊猶越嶺狂竄我軍四路搜殺又斃賊二千餘名丁賢
發復生擒僞總統胡瞎子即胡永祥餘眾悉降王德榜
軍及賊於北溪賊無去路降者四萬餘人鮑超所部追
賊至白砂壩賊目何明亮黃矮子等抗拒敗潰唐仁廉

等繞出賊前鮑超親率十營合兵截殺賊屍遍野積械如山二十三四等日其斃賊八千餘名墜崖死者難以數計逆眾見四面被圍羅拜求生當將二萬餘眾一律兜擒查出偽天將何明亮等叛勇頭目黃矮子等陸續誅磔其僞侯丁德泰等大小頭目七百三十四名亦經訊明軍前正法逆首譚休元於黃砂嶂北鎗傷墜馬落崖身死汪麻子亦中傷殞命殲除殆盡無一漏網粵逆自由閩竄江西入廣東復有叛勇合併爲一肆行兇悖各將士踴躍用命旬三捷將十餘年髮逆餘孽一鼓

蕩平實足以伸天討而快人心間浙總督左宗棠督辦
軍務調度有方著賞戴雙眼花翎署兩廣總督廣州將
軍瑞麟著賞還花翎三品頂戴署廣東巡撫郭嵩燾署
黃給二品頂戴江西巡撫劉坤一著賞給頭品頂戴浙
江提督一等子爵鮑超著賞加一雲騎尉世職二品頂
戴前浙江按察使劉典廣東提督高連陞均著賞給雲
騎尉世職劉典並賞給三代一品封典記名提督婁雲
慶著以提督遇缺儘先題奏仍交部從優議叙提督唐
仁廉譚勝達曾成武黃少春福建布政使王德榜均著

賞穿黃馬褂總兵孫開華著交軍機處記名遇有提督
總兵缺出請旨簡放鄧訓誥著以提督遇缺題奏提督
蕭得龍著賞換博奇巴圖魯名號劉清亮著賞換西林
巴圖魯名號李運勝著賞換法什尙阿巴圖魯名號總
兵黎榮鈞著賞換愛星阿巴圖魯名號劉明燈著賞給
斐凌阿巴圖魯名號簡桂林等六員均著賞加提督銜
內丁賢發並賞給伊勒達蒙額巴圖魯名號齊蘭禮著
賞給該員三代二品封典馬駿發著賞給直勇巴圖魯
名號方耀著開復革職處分副將龔占鰲張志公曹光

德均著以總兵記名請旨簡放龔古熬並賞加提督銜
張再勝等四員均著以總兵補用張再勝並賞給彥勇
巴圖魯名號賴光斗並賞給俊勇巴圖魯名號喻名楊
並賞給衝勇巴圖魯名號涂祖貴並賞給確勇巴圖魯
名號副將賴長著賞換剛安巴圖魯名號並賞加總兵
銜徐連陞等三員均著免補副將以總兵補用徐連陞
並賞給勳勇巴圖魯名號江自康並賞給強勇巴圖魯
名號易進春並賞給勤勇巴圖魯名號副將宋定元著
賞給果勇巴圖魯名號陳集賢著賞給靖勇巴圖魯名

號甘大有等四員均著賞加總兵銜黃北海著賞給傑
勇巴圖魯名號譚勝清著賞給信勇巴圖魯名號黃喜
光著賞給鋒勇巴圖魯名號謝復雲著賞給資勇巴圖
魯名號睦金城著賞給志勇巴圖魯名號鄒玉林著賞
給安勇巴圖魯名號戴清輝著賞給佐勇巴圖魯名號
杜登雲著賞給碩勇巴圖魯名號吳茂軒著賞給綽勇
巴圖魯名號恭將唐得勝著賞給勵勇巴圖魯名號柳
玉清著賞給爽勇巴圖魯名號葉善明著賞給制勇巴
圖魯名號朱長林著賞給勝勇巴圖魯名號陳道亨著

賞給彰勇巴圖魯名號戴榮陞著賞給敢勇巴圖魯名
號鄧榮佳著免補參將以副將儘先補用並賞總兵銜
曾善國著以副將仍留福建儘先推補陳得林等三員
均著以副將留於浙江儘先補用張介和等三員均著
以副將仍留浙江補用黎東溪著以副將留於福建補
用姜南金著以副將改留廣東儘先補用蕭佑飛等四
員均著以副將留於浙江補用張金榜等四員均著以
副將仍留福建浙江補用遊擊張復順著以參將留於
福建補用並賞加副將銜劉甫田著以參將仍留福建

補用並賞加副將銜張逢春等四員均著以副將補用
孫永忠等二員均著以叅將留於福建補用都司彭惟
貴等五員均著以叅將補用彭錫芝著以遊擊仍留福
建儘先補用並賞換花翎趙煥猗著以遊擊儘先補用
並賞加叅將銜喻經魁著以遊擊補用並賞換花翎江
同恩等三員均著以遊擊卽補守備吳起順等四員均
著以遊擊卽補都司鄧安邦著賞加遊擊銜守備朱芳
遂著以遊擊留於福建儘先補用桂順傳著以都司留
於福建儘先推補守備銜丁太洋著以都司留於福建

儘先補用並賞戴花翎千總宛乾元著以都司仍留福
建儘先補用聶章壽等四員均著以都司卽補並賞換
花翎把總黃承佐著以千總卽補軍功王璽臣等三名
均著以千總儘先拔補並賞加守備銜賞戴藍翎陳順
和著以千總留於福建儘先推補並賞戴藍翎道員李
耀南著賞給奮勇巴圖魯名號朱明亮著賞給二品頂
戴魏光祜著賞加鹽運使銜知縣丁華先著免補知縣
以同知直隸州知州留於福建遇缺儘先補用從九品
譚成章著以府經歷縣丞仍留浙江遇缺先補並賞加

鹽提舉街其餘在事出力各員并著左宗棠查明擇尤
集案保獎俟旨施恩因傷殞命之擬保副將宋成祥著
交部照副將陣亡例從優議卹並鮑超所部陣亡之藍
翎守備鍾福春守備衍千總章邦俊藍翎千總余勝才
藍翎把總蕭大春方惠林藍翎外委王與志藍翎軍功
王錫坤軍功王金玉查成荅顧洪平汪心田朱福才何
福興謝光輝汪炳林李桂芳李正洪傅松亭梁大發梁
英階張有登葉得勝劉亮順黃謙益桂明東李振義何
上交蕭連陞李國才周泰和朱進達呂士之溫同勝潘

文盛黃榮富蔣崇祺陳德貴劉炳榮戴雙福杜善功及
追賊陣亡之擬保守備顧惟奇藍翎千總李賢連均著
交部從優議卹顧惟奇並著照擬保官階從優議卹以
慰忠魂該部知道欽此

軍機大臣 字寄

欽差大臣協辦大學士兩江總督一等毅勇侯曾國藩
閩浙總督一等恪靖伯左宗棠廣州將軍兼署兩廣總
督瑞麟江西巡撫劉坤一署廣東巡撫郭嵩燾同治五
年正月二十三日奉

上諭本日據劉坤一奏江西進逼嘉應獲勝會同收復
州城並在宗棠瑞麟郭嵩燾奏收復嘉應州城追剿竄
匪全股獲平詳細情形各一摺覽奏曷勝欣慰業經明
降諭旨宣示分別加恩矣迨匪盤踞嘉應州城屢思衝
突出竄經左宗棠督飭江閩粵三省之軍四面兜擊遂
使該逆無路可竄一鼓殲除深堪嘉尚惟投誠之人爲
數最多必須妥爲遣散分別安插方免後患閩粵地方
向多土匪積年爲患亦應搜捕淨盡永絕根株並飭地
方文武將應辦事宜認真妥辦毋稍大意所部各軍員

應由左宗棠會同瑞麟郭嵩壽劉坤一酌量分別遣留
惟現在東南雖已肅清而捻匪竄擾北路楚豫等省到
處戒嚴防剿正當喫緊鮑超一軍前奉令其馳赴北路
助剿此時粵賊業已辦結卽著左宗棠飭令統帶所部
迅赴楚豫之交聽候曾國藩調遣其江閩各路得力將
弁兵勇有可調赴楚豫江皖助剿者並著曾國藩迅速
函商左宗棠等酌量調往以期厚集兵力早殄逆氛左
宗棠等仍當聽候曾國藩函商調派將士之信分別遣
留不得先將得力諸軍概行遣撤以顧全局將此由六

百里各諭令知之欽此

奏報粵東軍務速戡班師回閩摺

奏爲粵東軍務速戡微臣班師回閩恭摺馳報仰祈

聖鑒事竊自上年十二月二十二夜收復嘉應州城二

十三四等日追剿竄賊擒斬各逆全數蕩平當經臣會

同廣東督撫臣暨江西撫臣福建撫臣山驛馳報續據

布政使銜福建延建邵道康國器稟二十三日追剿至

豐順縣北白水寨一帶擒斬無算生擒逆渠洪秀全女

婿傷金玉鍾英傷刃陪王譚標傷懷王周春之姪周社

福傷朝將黃松傷佐將何昌勝黃蘇寶解營經臣親訊

明確軍前正法浙江提督鮑超續於降人中盤獲首逆
汪海洋養子汪長林傷王宗汪起賢福建藩司王德榜
續於降人中盤獲汪逆海洋之妻張氏訊明汪逆無子
除養子汪長林已正法外上年在連城楊家坊擄得農
家五歲小兒養爲己子取名小貴當將張氏正法小貴
交汀州紳士訪其父母領歸又獲傷列王李海清天將
粟時之神將劉文昌朝將尹炳朝龍天義劉大福安天
義譚有年魯天義謝引富喜天義陳大有合天義蔣明
富保天福楊世求及各賊目張開元馬東海唐有元宋

興貴魏亞底周助坤葛金勝曹正保等三百餘名粵軍
副將鄭紹忠搜獲傷斃王賴阿養朝將劉必勝及悍賊
一百九十六名粵軍副將邵在倫總兵銜副將李元順
等亦搜獲王友才江德勝王亞劉等十數名均立予斬
決此外兇惡素著面貌猙獰者訊明從嚴懲辦其老弱
及被脅口淺者委弁遞送各原籍安插婦女幼孩不能
行走者僱海船解送閩浙各省由各原籍紳商留養撫
覓其親屬領歸其壯丁五千餘名江西安撫湖北各省
民人暫派各營安插給以日食帶出粵境陸續資遣以

廣

皇仁據廣東署豐順縣知縣同知銜候補知縣錢誦清
正月初六日稟報旬日以來帶團丁窮搜巖穴百數十
里間踪跡殆徧實無一賊藏匿其惠潮所屬各縣則才
無一賊闖入也十五年遭誅劇寇自入羅網四五萬被
脅殘民長登衽席此固非人力所及亦非微臣始願所
及也布政使銜福建延建邵道康國器可否

賞給該員三代二品封典總兵銜補用副將福建陸路
提標前營遊擊李元順可否俟補副將後以總兵陞用

副將鄧在倫可否

貴州總兵銜同知銜署豐順縣知縣錢誦清可否以同知仍留廣東補用出自

天恩臣頻年効力戎行未遑安處自浙江嚴州軍營患瘧愈後即患痰泄至今數日即發近來左脅下多生小疣左手左足麻木酸楚艱於乘騎昨自平和趨程入粵嶺路墜馬左腕疼痛益劇自念犬馬之齒甫五十有五不應衰憊至此惟不及早調治恐漸成偏枯之症擬於本月二十四日班師回閩由水路至潮州取道詔安以

就坦易到關後急爲調理如能速痊不敢乞假積陳也
所有軍務辦竣回閩日期謹據實馳院伏乞

皇上聖鑒訓示施行謹

奏
同治五年正月二十日

軍機大臣奉

旨另有旨欽此

請將歸誠之黃朋厚免罪給卹備銜片

再僞奉王黃十四卽黃朋厚於上年十二月初間密遣
人赴劉典軍前乞撫劉典許之仍飭劉覲注連動靜隨

時稟知十二預之戰黃朋厚告都司蕭雅泗務爲之備
汪逆伏誅後請明厚密陳羣賊洶洶之狀轉語夥黨勿
抗官軍曰取誅戮賊窟時黃朋厚極其眾聚誠伏地隻
身潛匿山穴越兩日歛營就撫其歸誠在先解散賊黨
亦與有力可否免罪並

賞給守節街之處出自

天恩謹附片具陳伏乞

聖鑒訓示施行謹

奏

軍機大臣奉

旨另有旨欽此

同治五年二月十四日內閣奉

上諭左宗棠奏粵東搜捕餘匪淨盡軍務告竣班師回
閩一摺廣東嘉應州城於上年十二月二十二日經左
宗棠督軍克復逆首譚仁芳等均已伏誅當經降旨宣
示茲復據該督奏稱康國器一軍追擊餘賊於豐順縣
之北白水寨上擒賊渠洪秀全之婿偽金王鍾英偽幼
陪王譚標等多名復經剿起王德榜盤獲汪海洋養子

汪長林僞王宗汪起賢汪海洋之妻張氏及僞列王李
海清等三百餘名鄭紹忠搜獲僞贊王賴阿養等一百
九十餘名鄧在倫李元順等搜獲賊目王友才等十餘
名均經左宗棠訊明正法其被脅老弱婦女等分別解
送原籍安插窮搜巖谷百數十里間並無一賊藏匿搜
捕甚爲認真辦理亦屬妥協所有此次出力之福建延
建邵道康國器著賞給該員三代二品封典遊擊李元
順著俟補副將後以總兵陞用副將鄧在倫著賞加總
兵銜知縣錢誦清著以同知仍留廣東補用以示鼓勵

另片奏偽奉王黃十四卽黃朋厚自上年十二月乞撫
後密覘賊情隨時稟報復能解散賊黨棄械投誠尙屬
真心效順黃朋厚著免其治罪并賞給守備銜該部知
道欽此

軍務完竣提臣應令各赴新任摺

奏爲軍務完竣提臣應令各赴新任以重職守恭摺仰

祈

聖鑒事竊自嘉應收復髮逆蕩平閩粵江西三省一律
解嚴臣已面商廣東陸路提督高連陞署浙江提督黃
少春請各率所部卽赴新任廣東惠潮嘉一帶俗傲民
頑久爲奸宄涵濡卵育之所此次從逆匪徒大受懲創
諒已震懾

天威不敢狡焉思逞然大兵速撤或啟戎心高連陞所

部應令統帶赴任以資鎮壓該軍正月以前月餉由臣
清給二月以後應由廣東督撫臣按月照發以資飽騰
浙江提督久未履任責任甚重曠誤堪虞黃少春既蒙
特旨簡署是缺軍務既竣自應帶所部前赴新任以重
職守除分咨高連陞黃少春各帶所部赴任外理合恭
摺具報伏乞

皇上聖鑒訓示施行謹

奏 同治五年正月二十日

軍機大臣奉

旨高連陞黃少春均著各帶所部卽赴新任欽此

陳明劉幫辦劉鎮康道回籍省親省墓片

再據幫辦福建軍務二品頂戴劉典面稱父服已闋而
老母年踰七十定省久疏現在軍務告竣急思回籍省
視臣念其至性難遏勉允代爲陳情除將所部酌留十
營以記名總兵張福齊簡桂林分統外劉典率凱徹六
營就近回籍省親又福建福甯鎮總兵劉明燈由武舉
於咸豐十年從臣討賊轉戰五省無役不從六載馳驅
思親情切且其祖母年逾九十近復衰病侵尋請假暫

同湖南永定縣籍省視延建邵道康國器轉戰四省從
軍十餘年今幸軍事底平適在粵東本籍請假就近回
南海縣省墓各據稟請前來臣惟采薇扶杖古之勞還
卒還役者助盡人情至今諷詠遺篇猶餘愜慕茲當餘
孽殄除東南戡定之時謹體

皇上孝治天下之心各如所請所有劉典同籍省親及
劉明燾康國器請假四月回籍省親省墓再赴福甯鎮
延建邵道各本任之處理合附片具陳伏乞

聖鑒謹

奏

軍機大臣

旨知道了欽此

陳明入粵助剿各軍分起回江西日期片

再江西各軍奉

命入粵助剿著浙江提督鮑超一軍自上臘十七日由
平遠進嘉應州西北三十里相公亭十九日進州北十
九里之平成舖二十三日入嘉應州城是日追賊二十
四日收隊所有戰勝情形已由臣彙報茲據緘報正月

十一十二等日拔營回江西以應湖北之調其貴州按察使席寶田總兵劉勝祥兩軍上臘十八九等日由長甯進嘉應州西北二十餘里之大坪遵臣續調延紮州西寺塘良一帶二十二夜賊由嘉應州城西南門出折由水南墟竄走距席寶田劉勝祥兩軍稍遠未有戰事臣續調其移駐興甯以防紛竄現據稟軍務告竣已於正月初二初七等日分起由平遠回江西至粵東各軍撤留應由廣東督撫臣自爲酌度餉事是否應手臣不能知也謹附片陳明伏乞

皇上聖鑒謹

奏

軍機大臣奉

旨知道了粵東各軍著王宗棠咨明瑞麟等分別撤留妥爲辦理欽此

附陳派員查辦汀漳興泉永一帶土匪片

再上年閩境肅清後臣部各軍入粵入江分道追剿自臣奉

命入粵悉率從征閩境空虛漸啟莠民玩視之漸所有

各郡未獲土匪仍須一律按治以除積年隱患除飭總兵張福齊率所部回駐汀州簡桂林率所部回駐漳州道員朱明亮副將賴長林珠各率所部查辦永定積匪外其福建布政使王德榜一軍應令前赴興泉永一帶隨地勘辦以淨根株所有察辦情形容卽隨時馳報謹附片具陳伏乞

聖鑒謹

奏

軍機大臣奉

旨知道了欽此

歷陳仍檄高提督帶所部赴任片

再正拜摺間適准署兩廣督臣瑞麟正月初十日來咨

以東路肅清催高連陞赴廣東陸路提督本任令其將

部曲交各將領接管聽臣檄飭凱旋臣維高連陞一軍

馬步僅四千五百人上年臣檄署衢州鎮劉清亮一軍

三千餘人延建邵道康國器所部五千六百人歸其節

制調遣入粵會剿合共一萬三千餘人截至本年正月

底止所有新糧均歸閩浙糧臺給領廣東僅於餉道中

梗時曾解過該軍餉銀四萬兩茲因軍務告竣廣東催
高連陞赴任復咨所部由臣檄飭回閩其意不過以此
軍之餉始終推卸於閩耳如果廣東兵力有餘募勇足
恃無需借助客軍則高連陞一軍入粵爲贅臣遵

旨檄調各軍入粵可以無庸卽廣東新募馮子材舊部
之衆亦可不必如果此次軍務告竣之後廣東所收降
卒各軍所撤勇丁各屬速誅上匪能保其不復滋生事
端則臣之預留高連陞一軍擬之誠爲過慮特還詢之
廣東督撫臣亦必不能自釋也高連陞一員名將正宜

爲時局珍惜俾盡所長今令其隻身赴任責以整頓
理之制兵治不可數計之匪寇勢必不能臣爲廣東慮
之且不得不爲高連陞惜之現計高連陞所部除撤遣
旋聞外僅留五千餘人每月需餉不過三萬餘兩自本
年二月起始歸廣東支應并非強以所難臣捫心自問
所以爲廣東謀者不爲不至而廣東顧難之欲臣一概
檄飭旋聞臣所不解也如謂高連陞軍餉仍應田園
支領則試爲廣東籌之應解協閩之餉約尚有三十餘
萬而此次資遣各省難民及嘉應州鎮平縣賑恤平糶

米糧及臣勾撥鮑超一軍軍米價銀應由廣東解還歸
欵者亦約五萬餘兩卽以此欵悉數移充高連陞軍餉
以開餉源開軍約足一年之需一年之後諸患漸平陸
續裁撤此軍亦未爲晚伏思海疆之患起於廣東中原
盜賊之患亦起於廣東當此軍務甫竣之時有籌兵籌
餉之責者應如何懲前愆後以圖自強若仍以庸闇爲
寬厚以諉卸爲能事明於小計暗於大謀恐未足紓
朝廷南顧之憂也合無請

旨飭下廣東督撫

臣

孰思審處仍檄高連陞帶所部赴

任之處出自

聖裁謹據實陳伏乞

皇上聖鑒訓示施行謹

奏

軍機大臣奉

旨另有旨欽此

軍機大臣 字寄同治五年二月十四日奉

上諭左宗棠奏粵省軍務告蒞班師回閩請令高連陞
帶所部赴任各摺片粵東之賊全股蕩平後復經康國

器等追捕餘匪並於降人中搜獲逆裔戎悍賊數百名
立予斬決老弱壯丁分別賞遣辦理甚爲妥協本日已
明降諭旨將康國器等員照請獎叙矣該督以墜馬致
舊病增劇現於本月二十四日班師回閩著於到閩後
安心調理期於速痊以慰廬系左宗棠凱旋後粵省安
插降卒搜誅土匪善後之事方多正當留紮勁兵以資
鎮遏瑞麟既咨催高連陞赴廣東提督本任何以反令
左宗棠將其部曲檄飭回閩該署督徒爲推諉該軍餉
需起見曾不爲地方計殊昧事機該省民風著名刁悍

平日所養制兵毫不得力徒耗餉需尙聞軍凱撤而降卒土匪又復滋生事端重煩兵力該署督其能當此重咎耶高連陞所部五千餘人計每月需餉不過三萬餘兩卽著左宗棠檄飭該提督帶所部赴任月餉由瑞麟郭嵩燾按月籌給不准絲毫短少帶欠致有掣肘之患俟該省諸患悉平伏莽淨盡再議裁遣劉典現在請假省親該臬司久歷戎行素稱得力若令投閒殊屬可惜著左宗棠諄飭該員於省親後卽行銷假應派往何路軍營帶兵剿賊並著左宗棠斟酌奏聞將此由六百里

各諭令知之欽此

恩免察議謝

恩捐

奏爲恭謝

天恩事竊臣於同治四年十月二十六日在漳州營次
附驛獲陳道員曾憲德考語前後歧異請

旨將臣交部察議一片十二月十五日在廣東大埔營
次准兵部火票遞回原片後開軍機大臣奉

旨知道了左宗棠着加恩免其察議欽此跪聆之下感
悚莫名伏念臣識乏知人情殷薦士以考績乃循

歲省之義鑑本宜空而等邊尤爲時局所需瑜終難掩

不糾名三
樹同溫室竊恐宜白非宜材愧拘墟儼若雌黃有意未
化迂牽之見致冒

宸嚴自貽疏脫之譏敢述吏議乃蒙

皇上聖慈垂諒曲予優容審先後異考之有因念人地
相需之屬實仍邀

俞允並激微愆臣惟有盆切慎勤時加綜核冀仰答

高厚鴻慈於萬一所有微臣感激下忱理合繕摺恭陳

天恩伏乞

皇上聖鑒謹

奏 同治五年正月二十日

軍機大臣奉

旨知道了欽此